



Nan'ngarijaujuq Pamela Hakongak Gross
Tugliq Hivuliqtii
Minista Ilinniaqtuliqiyyitkunni

Hikutirvia 7, 2022

Ministangit Atuqtakhangit

Haluu Minista Gross,

Hivuliqtuiplunga Nunavunmi, Titiraqtunga ilitugipkajumaplunga atuqtakharnik **Minista Ilinniaqtuliqijitkut (ED) Tugliuplunilu Hivuliqtimun.** Angirutiqagiikhimajugut munagidjutiqaqtutin tamaat qanuriliuqtunun hulilukaarutingnik havaktauhimajut havagvingni, ilaujut:

- Tunihimaarlutik pinahuarutingnik ikajuutikhangitlu aulahimajut talvuuna ilihalihaaliqtunun ilihairutingnik, K-12mun iliharvingnun, iningniit ajuiqhautikharnik taiguarnikkut titirarnikkullu ikajuutiniaqtun ikajurniaqtunlu inuuhirminni hivutunirmik ajuiqhautikharnik nanminikharnik atugianganik;
- Ilaliutilugu Inuit Inuuqatigiingnikkut Akhuerutigijangit, uqauhingit, pitquhingitlu tamainun havagviinun pinahuarutit ikajuutikharniklu; unalu
- Havakhimaarlutik allatqiingujut piumaluuaqtunik hanaqidjutikhangit hulilukaarutikharniklu naunaijajaangat ikayuutikharniklu iniqtirutikharnik kavamangit atuqtakharnik Katujiluta.

HIVULLIUTIJKHAQ QANURILIURUTIKHAT

Katujiluta ilauhimajuq hanaqidjutikhangitni hulilukaarutikharniklu tallimaniitunik piumaluuaqtajuni:

- Inirninguqtirniq ihumagittiaqtauluni Nunavunmi;
- Angiklihaqjuummirlugu iglukhaqarnikkut auladjutaa;
- Pipkainirnianik aanniaqtailinirnun mamiharnirnullu;
- Pilluaffaarumanirnik iliharnirnun; imaaluu
- Angiklihaqtirnikkut nunallaaptikni piangajautikhaniq.

Havakhimaliktugut ilaujukharnik upautikhnik piumaluagijaptingnik, taima pilimaitaangat havagviit kituliqaak aviktuqhimanirmi kuapuraisingit hivuliqtilimaitun kiudjutikharnik tamainik hanaqidjutikharnik piumaluuaqtaptingni havaanganik.

Angirutigivakhimajugut kiudjutiqaqtuhi hivuliqtijaangat piumaluuaqtunik hanaqidjutikhhat hulilukaarutikhangitlu ilitagijauhimajut ataani. Una ilaujuq naunaijainiq nalaumadjutikharnik tutqikhaidjutikharniklu hanaqidjutikharnik avatingni Nunavut Kavamangit havaqatigijaptingnilu, ihuarutiqaqhimajuni.

Hivuliujuq piumaluaqtaujuq, angirutiqagiikhimajutin havagianganik qilaminuaq hanaqidjutikharnik ukuninga:

- Aulatitilitik Kanatami Tamaat Ilihalihaaqtut Munaqtiujunun Nutaqqanun (ELCC) Angirutikharnik, ilaujurlu amigairjumiqtinahuarnikkut nampangit laisraqtukharnik nutaqqiqiviujukhat, amigairjumiqtinahuarlugitlu nampangit nutaqqanik munaqtiujunun havaktlit, tunihimaarlugit ajungnairutikharnik ilihairutikharnik nutaqqiqiviillu tamaini uqauhitigun, ikiklijumiqtijaangat angajuqqaarnikkut akikhangit taima \$10/ublurmik talvuuna 2025-26nguqtinani (aulahimaaqtuq);
- Havaqatigilugit Inuit havagviit pivallajaangat ELCCnik havavikharnik pivalliadjutikharnik nuutaanguqtihimaaqtukharnik hanaqidjutikharnik upalungairutikharnik (2022-23), ELCCnik ihuaqtumik havauhikharnik pivallajaangat atuguminaqtunik naunairutiqaqhimagut naunaitkutit Inuit qitqaniitun ilihalihaaqtunun (2022-23), hanaqidjutikharnik aulatitijaangat upalungairutikharnik ELCCnik ilauggiaqtaqtunik tamangnik aadjikiirutikharnik nalaumajukharnik Inuit qitqani hivunikhaliurutikhangit ilaujaangat kituliqaak aadjikiirutikharniklu (2023-24); unalu
- Havaglutiklu ubluq tamaat ilihalihaaqtunun auladujutikharnik havaaqhaq talvuuna 2023-24 tallimanik iliharvingnik avatingni avikturvingmi, aulatitilitik maniit akitujunik ihuarutikharnik 2022-23mi; ihivriurlugit aulatitihimajut havaaqhangit (2024-25); ilauqatigilugit havaqatigijaangit tigumidjutiqaqtaqtununlu pivallajaangat aulavikharnik aulatitinaqtunik upalungaijautit tamainun iliharviit, aulatitijukhaq 2025-26mi.

Ikajugianganik malikhautikharnik hivunikharnik hanaqidjutingnik kavamaptingni, angirutiqagiikhimaliqtutin imailiugiangat:

- Aulatitilitik atugiaqtaqtainik ihivriudjutikharnik Maniliqinikkut Ikajuutikharnik Nunavunmi Ilihaqtunun (FANS) pinahuarutit titiraqhimaqtuniku malikhautikhangit ikajugianganik naunaitumik pinahuarutit ihuarutikharniklu (2022-2024);
- Havaklutik havagvium iluani havakhimaaqtukharnik katimajiit ilitagijaangat Nunavutim havaktukharnik pidjutikhainik aulahimajutlu ilihairutikharnik ajuqhautikharniklu pinahuarutit, unalu pivalliadjutikharnik hanaqidjutingnik tikiutijaangat tapkuat piumajaujut (2022-2024); unalu
- Ihivriuqlugit Iliharvikjuangit ilitagidjutikharniklu Iniqtiqhimagjunik Aituihimaqtun Iliharvikjuangit Maligaq ilitagijaangat malikhautikhangit maligangitlu atuqtakharjainik piqagianganik iliharjuummivingni iliharniq hanaqidjutikharnik ikajuutikharnik ilihairutikharnik piumajunik Nunavutim havakhimaaqtunik (2024-2026).

ILAUJUT KIURUTIKHANGIT

Havaagijangnik Hivuliqtim Tukliami, munagijakhagijatin hapkuninga:

- Havaqatigijakhagijanga naunaijajaangat kavamavut atuqtakharnik tikiutihimajut iniqtirutikharnik;
- Hivuliqtulaktlutin talvaniingitkuma havaktakhagijatin; unalu
- Ilauhimaqtukhaq ilagami talvani Katimajiutut Ministangit Katimajiit, Piumaluaqtaujunik, Upalungiarnikkut, Havaqatigiirnikkutlu.

Ihumajunga aulaniaqtutin ihuaqtumik aulahimaarniaqtutinlu havaqatigijkharnik tamainun ilaujunun talvani Ataniit Katimajijiujuni, Ikhivautaq talvani Katimahimaaqtunuk Ilaujunun Katimajiit, Titiraqtijuurlu Maligaliurvingmi aulatitijaangat havaktakhagijangnik taima Hivuliqtim Tuglianga.

Ilaujukharnik talvani atuqtakharnik piumaluaqtaqtainik titiraqhimagut qaangani, kiugiaqtaqtutinlu taimaitkuvin:

- Ikhivautauniaqtuq talvani Ministrait Katimajiut talvani Ihumaliuffaarniq talvuuna Ilihainikkut Ajuiqhautikharniklu

- Ilaujut talvani Ministait Katimajijut talvani Ikajuktikhailiuqtunun Aanniaqtun, Mamitiqhimaaqtun Inutqualiqtun Aqualiqtununlu
- Katimajijut Ministangit Katimajiit, Piumaluaqtaujunik, Upalungiarnikkut, Havaqatigiirnikkutlu

Taima Ikhivautaq Ministait Katimajiji Amigairjuminikkut Aalatqiinik Ilihairutingnik Ajuiqhautikharniklu, havaktakhagijatin aulatitinnikkut naunaijainikkutlu havaqatigiirnikkut tapkuninga Ministangit havagviitlu atuqtakharnik piumaluaqtunik aulahimajut amigairjuminikkut aalatqiinik nunalaaptingni maniliurutikharnik.

HAVAQATIGIIRNIKKUT

Katujjiluta atiinaungituq uvani atuqtakhaptningiituuq. Malikhautikhaq hivunikhalirutiqaqhimajuuq naunairutiqaqtuuq atuguminaqtumik auladjutikharnik qanuq havaqatigiirniaqtugut atautimiitluta iniqtigijaangat uqagiikhimajaptingnun Nunavunmun. Ilitugipkaktilutin piumaluaqtangnik, ajungnairutiqaqhimajunga taimailiurniaqtugut:

- **Havangniaqtavut Ministangit Katimajijijutlu aulatitijaangat iliqatigiiktakharnik aturniaqtaptingni;**
- **Hviutunirmun akhuqicaidjutikharnik havaqatigiiktukharnik** Nunavut Tunngavikkut Timinga Avikturnirmiitun Inuit Katimajijingit nalautitijaangat hanaqidjutikhaptningnik hivunirmun naunaitumun auladjutikharnun;
- **Napaqtigijaangat katiqhimanikkut ikajuutikharnik amigairjumiqhimajut ihuarutikharnik Inuit havaktikharnik** talvani kavamanmi havakhimaqtunik ikajuktunun; unalu
- **Tautuktihimaarlutiklu Inuit inuuqatigiinggaqnikkut akhuerutigijangit unalu Inuit Qaujimajatuqangit** hanaqidjutikharnik iniqtigijaangat naunaituq hivutunikharnik allanguqtitutikharnik.

Tuglia Atangujatigun kiudjutiqahimajurlu ikajukhimaarnikkut ilingnun tikiutijaangat havaktakharnik iniqtitijaangatlu munagidjutikharnik talvani itunik havaktamingnik naunaitkuttingni. Munagidjutiqaqqtutin tunijaangat naunaitunik havaktauhimajukharnik talvunga Tuglia Atangjarnun, ilaujutlu atuqtakharnik havaqatigiirnikkut iliqatigiirnikkutlu talvani hivutunirmilu Nunavut Kavamanmi.

Quviahuktunga niugiuktungalu havaqatigijaaffingni talvuuna pivalliadjutikharnik naunairutiqaqhimajut havaqatigiirnikkut havakhimaarnirlu tutqikhaidjutikharnik havaqatigiirnikkut hanaqidjutikharnik ihuarutiniaqtun ubluq tamaat inuuhirnun Nunavunmiunun tungavikharniklu ajungnairutikharnik hivunikhaptningnun.

Pittiarnikkut,



P.J. Akeeagok
Hivuliqt Nunavunmun

cc. Jimi Onalik, Tugliuyuq Ministamun Tikkuqaqtahimajununlu Katimajiit Titiraqt, Kavamaliqiiyitkunni